



**Jubilæum Sæculare Ecclesiæ Catholicæ Per Septendecim
Sæcula Militantis & Triumphantis Contra Idololatriam,
tyrannos, hæreses, schismata, errores, & scandala**

Per Septendecim Sæcula Militantis & Triumphantis Contra Idololatriam,
tyrannos, hæreses, schismata, errores, & scandala ; Ex Annalibus
Ecclesiasticis collectum Pro Xenio Oblatum Academicæ Sodalitati
Dominorum B. Mariæ Virginis Annunciatæ Herbipoli, Anno ...

Herbipoli, 1701

Decas I. Ab anno Christi 1100. ad 1110.

[urn:nbn:de:hbz:466:1-64765](https://nbn-resolving.org/urn:nbn:de:hbz:466:1-64765)

SÆCULUM
 DUODECIMUM

Continens res in Ecclesia
 memorabiles, quæ contigerunt
 ab anno 1100. ad annum Christi
 1200.

DECAS I.

✱ *Ab anno Christi 1100. ad 1110.*

1101. **E**Xpeditio in terram sanctam ab
 ✱ **E**râ nunc vice suscipitur, Ducibus
 Hugone, Philippi Regis Francie
 germano, Guilielmo Aquitaniæ Comite
 & aliis Proceribus, & cum tantis copiis,
 ad trecenta Christianorum millia conflue-
 rent. Sed hæc tanta multitudo plurimum
 damni passa est à Saracenis perfidiâ Alex-
 Comneni Imper: Orientis, magis Macho-
 metanis, quam Latinis faventis, ita ut
 quinquaginta millia in viâ cum plurimis
 impedimentis perdita fuerint, etiam Hu-
 gone Tarsi ex morbo defuncto. Elucta-
 ti tamen sunt Christiani per varias vias in

Syriam, & eorum adventu Balduinus egregiè usus adversus Saracenos, qui ad eum opprimendum trigies centies armatorum millia eduxerant, spe maximâ certæ victoriæ obtinendæ à suis sacrificulis animati. Sed aspectu signi Crucis, quæ Regi præferebatur, qui initio victores erant, ingenti cæde deleti sunt, & Joppe ab iisdem Arabibus obfessa, pariter eliberata: appulsâ deinde Genuensi classe Antipatra & Cæsarea maritima, aliæque munitiones expugnatae & captæ magnos animos victoribus addiderunt.

Obiit hoc anno S. Bruno laudatissimi Ordinis Carthusiani conditor.

✠(1102.)✠ Henricus III. Imperator, hætenus schismaticus & impius, fit hoc anno hæreticus, cum denuò excommunicatus quia promissis non steterat, doceret palam excommunicationes nihili faciendas esse.

Paschalis Papa II. consultus ab Anselmo Episcopo Cantuariensi de investituris laicorum, eas penitus improbat. Anselmus autem propterea à Rege Angliæ, qui eas affectabat, Lugduni in exilio subsistere iustus est.

✠(1103.)✠ Centum quinquaginta millia Christianorum inordinato patriæ desiderio terram sanctam deserunt, & cum tre-

centis navibus in Occidentem venientes tempestate correpti majore ex parte perunt, reliqui à Saracenis intercepti in dirisimam servitutem abducuntur.

✽(1104.)✽ Balduinus II. Hierosolymorum Rex auxilio Danorum, Anglorum Flandrorum & Regis Norwegiæ præsigno S. Crucis ingentem obtinet victricem de Saracenis, triumphum tamen lætitudinem nonnihil diminuta est, ob mortem Ramundi Comitis Tolosani, qui & gloria militari & laude pietatis magnus erat.

✽(1105.)✽ Henricus IV. filius Henrici III. Rex Germaniæ à Proceribus creatus, submittit se summo Pontifici, & Episcopos restituit, atque contra patrem insurgit, Sedi Romanæ rebellem, eumque habito Moguntia Concilio adigit, ut Ingelhemii, quò ambo Henrici convenerant deponeret insignia Imperii, eaque traderet filio, & submissus in omnibus Pontifici, ipse quasi Privatus secederet. Schismatici fautores ejus ajunt, compactum fuisse in carcerem quod & ipse rebus suis restitutum asseruit, sed eâ fide, quâ schismatici & seculerati valent.

Jussu Paschalis II. ossa Guilberti pseudo Pontificis, Ravennæ sepulti, exhumantur & in profluentem conjiciuntur.

✽(1106.)✽ Henricus III. privatus Imperio fugit Coloniam, & inde Leodium, & novas copias per Germaniam colligit, ac bellum non solum filio, sed etiam Ecclesie indicit, & mox corruptis nonnullis Romanorum, dum Paschalis Beneventi ageret, pseudo-Abbatem de Farrâ intrudit in Sedem Petri sub nomine Sylvestri, qui tamen mox à Catholicis rejectus est. Providit autem Deus Ecclesie, & Henricum turbulentum apostatam, & sæpius perjurum, eodem adhuc anno repentinâ morte ex hac vitâ ad promeritas pœnas evocavit, & quia ut schismaticus & hæreticus obiit, etiam cadaver ejus ex loco sacro propè Spiram exhumatum, & in locum profanum translatum est, Orbe universo propè de illius interitu gaudente.

Mortuus est eodem anno Philippus Francorum Rex mœrore consumptus Meloduni, cui successus est Ludovicus Crassus, vir pius & fortis.

✽(1107.)✽ Paschalis misso Hierosolymam Gibelino Archi-Episcopo Arelatensi Ebremarum intrusum à Balduino, deponit, mortuo jam Daiberto legitimo Patriarchâ.

Henricus Rex Angliæ reconciliatur S. Anselmo, sed mox reversus ad pristinam obstinatum, varios viros sanctos affligit & vexat.

✠(1108.)✠ In Oriente novas lites exortas de limitibus Patriarchatum Hierosolymitani & Antiocheni, idem Paschalis disponit, & res Italiæ ordinat, ac tyrannos bona Ecclesiæ usurpantes prudenter & fortiter comprimit, quos inter fuerunt Ptolomæus Tusculanus, Petrus Columna Abbas Farfensis. His autem ex Pontifici parte fortiter oppositi erant Petrus Leo & Leo Frangipanis.

✠(1109.)✠ Anselmus Archi-Episcopus Cantuariensis, & S. Hugo Cluniacensis ad æterna præmia evocantur.

Hoc anno Burdinus Braccarensis fraudes & hypocrisin suam detegit, cum eni in persecutione à Rege concitatâ Bernardus Archi-Episcopus Toletanus, à quo ille factus erat Archi-Diaconus, in exilium abire compulsus esset, Burdinus multâ pecuniâ Episcopatum Bernardi beneficentioris sui mercari voluit, verum à Pontifice ut simoniacus rejectus, adhæsit Henrico Germaniæ Regi, & ejus amicitiam eò usque fraudibus & adulationibus captavit, ut in Sedem Apostolicam pseudo-Pontifex irreperet.

✠(1110.)✠ Balduinus dotat Episcopatum Bethleemensem auctoritate Paschalis erectum.

Idem

Idem Paschalis renuit Henrico IV. dare Coronam Imperii, ob usurpatas ab eo investituras, Henricus autem cum ingentibus copiis veniens in Italiam, vi tandem extorquet, quamvis non absque conditionibus neque Ecclesie, neque Imperio noxiis, si eas Henricus servasset, hæreditario vitio perfidiosus.



DECAS II.

Ab anno 1110. ad annum 1120.

III. **C**apitur à Balduino Berytus & Sidon auxilio Danorum.

Henricus IV. Romam ingressus, pactis cum Pontifice initis stare recusat, & Pontificem, multosque Cardinales vinctos detinet, & captivos secum ad Sabinos deducit. Sed cum nec sic Paschalis Papa flecti posset ab Henrico, ut postulatis ejus iniquis annueret, tandem Cardinalium precibus victus ad schisma vitandum (viris etiam sanctis in factiones contrarias divis) remittit Henrico investituras, & cum suis relaxatus eundem in æde S. Petri, sed januis clausis coronat.

(1112.) Alexius Comnenus missis Legatis petit à Pontifice Romæ coronari,

D 5

ad